

Kei te whakaaro Te Whanau a Apanui ki te whakamahi i o ratou whenua. Kua noho he hipi ki Tunapahore. Ki te whai moni i tenei tau ka whakanohia he hipi ki Te Houpoto Paraka. I takoto ta ratou tono moni i au ki te aroaro o nga komiti o Ngatiporou : Kaore i taea e era, i te nui o nga raruraru hei whakapaunga mo nga toenga hereni.

He iwi ora enei ki taku titiro, i to ratou abu whenua, i te kaha ki te tautoko i nga kura, i nga tikanga o te karakia. He hua te tamariki o tenei takiwa ; i tirohia emaua ko Hakaraia Pahewa, Minita o Te Kaha, to pukapuka rehita o nga iriiringa tamariki o nga tanumanga tupapaku o te paroha o Te Kaha mo nga tau e wha ka pahure nei : 176 nga tamariki i iiriia, e 62 nga tupapaku. Kaati ki te whakaaro e tata ana ki to 120 te pikinga ake o te tokomaha o nga tangata o tenei takiwa, timata mai i Torere, whakamutu ki whangaparaoa, i roto i enei tau e wha.

Kei te wehewehe nga karakia : ko Ngaitai, ko Te Whanau a Te Ehutu me Te Whanau a Maru, kei te Habi Mihinare : Ko Te Whanau a Apanui kei te Ringatu. E whakauruuru ana ki roto i enei te Pikopo. Kanui toku whakamihi kia Hakaraia Pahewa mo tona kaha, mo tona ata whakahaere i tona tinana me to raua kainga ko tona hoa. Ko ia hei kaumatau hei whakamaunga atu mo nga mahara o ona taina, tuahine i hoki-hoki atu i nga karetia, i nga kura, hei taunga atu hoki mo nga tikanga a Te Kotahitanga ina toro he peka mona hi te wahi.

Tera e nui ake nga mihi mo nga manaaki a enei iwi : kaati me haere i roto i te ngakau. Ehara hoki i te kitenga kotahi, ka takataku tonu nga waewao o nga kaiwhatahaere o a tatou mahi i era kaiva, ka honu tonu te kite to mihhi. Otiia ki te kite iho o ratou kanohi i enei kupu, ka mohio iho ratou kei te mai tonu atu nga whakaaro ki nga nohanga tahitanga, ki nga korero, me nga ahureka o era ra i haere ai au i roto ia ratou. Kia hono mai hoki te whakaaro, kei tau te aroha.

Heoi enei kupu,
Na to korua hoa,
Apirana T. Ngata.

Greytown North,
Hurae 1, 1899.

NGA WHAKATAUKI MAORI.

"*He Waka ia nei e taea te here.*"—He tino whakatauki tenei na te tangata i nga whai-

korero mo te tupapaku. E takoto marama ana te tikanga o tenei whakatauki. Ki te hiaibia te mate ki tetahi tangata, ki te ki a te Maori, e kore ia e taea te here aru e pupuri ki te ora. I whakatika ana au, e whakahe ana hoki ki tenei whakatauki. Riro ake te waka i nga waipuke nunui, ahakoa herea ; engari te mea pai me to ki tahaki ki te wahi kaore nei e taea atu e te wai. He maha nga tangata kua mate, e taea ano te here kia roa nga ra e ora ana, ka mate ai, (hei te mate ano hoki te mutunga) otira i te kuare o nga kai-tiaki na reira i hohoro ai to ratou mate. Mehemea ana i waiho e etahi tohunga Maori a ratou turoro ki uta ki te wahine maroke, tera ano pea e roa e ora ana ka mate ai, tena kopa pangaia ana ki te wai, a mate tonu atu. Ehara i te mea ko nga tohunga anake e whakahochoro ana i te mate o te tangata, engari ko te nuinga ano o te tangata, Maori, l'akeha. Kotata nuinga na te kuare, ko ta nge tohunga na te tinihanganga na te kohuru. Ehara ia nci i te kohuru te rumaki i te tangata e pangia ana e te mitara ? Mehemea e kore e taea te tangata te here, he aha i hoatu ai he rongoa mona ? Kaore au e whakapono ki te kia te tangata e mea nei, "He ra ano i whakaritea e Te Atua mona." Ki taku whakaaro he kohukohu tenei korero. Na te Atua ranei nga tangata i patua kohurutia i whakarite ki a kohurutia ? Mo te mate o te karaitiana tera ano pea tenei korero, e tika. E kore au e whakapono na te Atua i whakarite te matenga o te tangata haurangi, i kai waipiro nei, eke ana ki runga i tona hoipo, whakaoma ana i te hoipo, taka ana, a whati tonu atu tona kaki. Na te Atua ranei i whakarite tenei mei ? Pai ke atu ki te Atua ki a ora ia, me kore tona ngakau e ripeneta. "Kahore he hiahia o te Atua kaha rawa, o te Matua o to tatou Ariki, o Ihu Karaiti, kia mate (mate wairua) te tangata hara, engari kia tahuri mai ia i ana mahi tutu, kia ora." Ahakoa herea te waka, toia ranei ki uta he pirau, ano te mutunga. Ahakoa herea te tangata toia ranei ki uta he pirau, ano te mutunga. "He puehu koe a ka hoki ariki te puehu." E te kai-korero, e mohio ana ranei koe he puehu, he pirau, he mutunga mo to tinana ? I te motunga o "te aho hiriwa" kia rere koe i te awa o te mate, ki hea he unga atu mou, ina tae koe ki te Moana o te Mutunga-kore ?

He nyaro tangata ora."—Haere te tangata ora i tana baere ki etahi atu whenua, ngaro i tana ngaro mo nga tau maha, a tenua ano te ra ka hoki ki te wa kainga ; tenua ko